

Utertitsisinnaaneq

Atuisunut isumaqatigiissuteqartarneq pillugu inatsimmi § 18 naapertorlugu, atuisut aningaasaqarnikkut sullinneqarnermut isumaqatigiissut ullut 14-it iluanni utertissinnaavaa, isumaqatigiissut

- Ungasianit isumaqatigiissutaappat, ass. isumaqatigiissut oqarasuaatikkut/netbankikkut isumaqatigiissutaasoq
- GrønlandsBANKEN-ip inaataata avataani isumaqatigiissutaasut, ass. sullitap angerlarsimaffiani imaluunniit suliffiani ataatsimiinnermi.

Piffissaq killiliussaq aallaavittut ullormit, sullitap sullinneqarneq isumaqatigiissutaasumik pineqarneranit naatsorsorneqartarpoq. Tamannali taamaallaat atuutissaaq, sullitap tamatumunnga atatillugu atuisunut isumaqatigiissuteqartarneq pillugu inatsimmi pisassaminik paasissutissinneqarpat – ilaatigut utertitsisinnaaneq pillugu pisinnaatitaaffik aamma nioqqut sullitap qinnutigisimasaa pillugu. Paasissutissat taaneqartut allaganngorlugit imaluunniit allatut ataavartutut, ass. pappialamut, elektroniskiusumik allakkatigut imaluunniit sullitap netbankiatigut pineqassapput.

Suliaq ass. ataasinngornermi qaammatip aallaqqaataani suliarineqarpat, paasissutissallu taaneqartut tunniunneqarsimappata, taava piffissaq killiliussaq ataasinngorneq 15-iat ilanngullugu atuutissaaq. Piffissaq killiliussaq arfininngornermi, sapaammi, nalliuttuni, qilaliarfiup aqaguani, inatsisitaarfimmi, juulliaqqami imaluunniit ukiutoqqami qaangiuppat, utertitsineq ulluinnarmi tulliuuttumi pisinnaavoq.

Sullitap isumaqatigiissut taamaatinniaruniuk, piffissap killiliussap qaangiutinnginnerani sullitap GrønlandsBANKEN attavigissavaa. Piffissap killiliussap malinneqarnera uppersarsarniarlugu, innersuussutigineqarpoq, allakkatut innersuussutigineqartutut nassiunneqarnissaa.

Sullitap utertitsisinnaanermut pisinnaatitaaffini atoruniuk, sullitap pissarsiarisimasani uterteqqissavaa. GrønlandsBANKEN-ip sullitap akiliutai utertissavai, GrønlandsBANKEN-ip sullissinermut aningaasartuutai aamma aningaasartuutit allat eqqaassanngikkaanni, ass., eqqartuussivikkoortitsinermi akiliutit imaluunniit illumik naliliinermut atatillugu aningaasartuutit.

Suliaq annertussusaa apeqqutaatillugu GrønlandsBANKEN sulinerminut atatillugu tiimimut akimik naatsorsuisinnaavoq, sullitap utertitsisinnaanermut pisinnaatitaaffini atorpagu.

Makkununnga utertitsisinnaaneq atuutinngilaq:

Isumaqatigiissutit tulliuuttut utertinneqarsinnaanngillat:

- Realkreditimik taarsigassarsineq aamma realkreditimi obligationinik niuerneq, matuma ataani, aalajangersimasumik naliusut pillugit isumaqatigiissutit
- Pappialat nalillit imaluunniit aningaasaqarnikkut sullissinerit, tassani aningaasaatinik niuerfimmi nikerarnerit akiusumut apeqqutaasarlutik.

Soraarnerussutisiassat pillugit inunnut ataasiakkaanut isumaqatigiissutit

Soraarnerussutisiassat pillugit inunnut ataasiakkaanut isumaqatigiissutinut utertitsisinnaaneq taamaallaat atuutissaaq, isumaqatigiissut ungasianit isumaqatigiissutigineqarsimappat, imaluunniit isumaqatigiissut GrønlandsBANKEN-ip inaataata avataani isumaqatigiissutaasimappat, ass. sullitap angerlarsimaffiani imaluunniit suliffiani.

Soraarnerussutisiaqalernissamut aaqqiissutit pillugit inunnut ataasiakkaanut isumaqatigiissut ungasianit isumaqatigiissutaasoq ullut 30-t iluanni utertinneqarsinnaavoq.

Soraarnerussutisiaqalernissamut aaqqiissutit pillugit inunnut ataasiakkaanut isumaqatigiissummik utertitsisinnaaneq atorunnaassaaq, piffissap utertitsisinnaanermut killiliussap qaangiutinnginnerani pappialat nalillit imaluunniit aningaasaqarnikkut sullinneqarnerit, aningaasaatinik niuerfimmi nikerarnerit akiusumut apeqqutaasut pillugit isumaqatigiissuteqartoqarsimappat.